



Universitätsbibliothek Paderborn

**B. Haymonis, Episcopi Ante DCCC. Circiter Annos
Halberstadensis, Historiae Ecclesiasticae, Sive De Rervm
Christianarvm Memoria, Libri X**

Haimo <Halberstadensis>

Helmestadi[i], 1671

Cap. VII. De baptismo Constantini Imperatoris, & ejus morte.

urn:nbn:de:hbz:466:1-10968

Itina ejus atque omnia viscera in secessum cunicolorum defluxere. Tunc *Eusebius Nicomediae* cum cæteris Arrianis confunditur, nec propter causam Arrianum dogma confunditur, sed ad tempus occultatur.

C A P. VII.

De baptismo Constantini Imperatoris, & ejus morte.

Interea *Constantinus Imperator*, cum in Nicomedia degeret, languore gravatus, in extremis baptisatur. Distulerat enim usque ad illud tempus, in *Jordane* hoc prometeri desiderans; Qui condito testamento, & tribus filiis hæredibus constitutis, primo scilicet *Constantino* in *Hesperia*, secundo vero scilicet *Constantio* in Oriente; juniore scilicet *Constante Cæsare* ordinato, & in partibus Occidentis, post quinquagesimum quintum ætatis suæ annum, vivendi finem facit, revocato prius *Magno Athanasio* in *Alexandriam*, propter persecutionem Arrianorum exulante. Igitur Christianissimo Imperatore defuncto, Arrianum iterum dogma repullulat. *Constantius Imperator* seductus ab hæreticis in eundem errorem devolvitur, & Magnum *Athanasium*, veritatem edocentem, condemnat. In cuius persecutionem postmodum graviter conspirantibus hæreticis, & wulta crimina intendentibus, universus orbis conjuravit, & commori sunt Principes terræ, gentes, regna, exercitus cojerunt adversus eum. In cuius damnationem, cum apud *Mediolanum* congregati subscribere cogerentur Episcopi, quibusdam eorum deceptis, *Pictaviensis*

viensis minime consentit *Hilarius*. Vnde & cum quibusdam aliis Episcopis traditur exilio. Inde apud *Ariminum* Synodus ab hæreticis congregatur. Ibi *Homo*
mouſion, quasi ignotum sermonem, & à Scripturis alienum, à fidei expositione decernunt, firmantes sibi sermonem nequam, & dicentes Soli Christo oportere credi, & non *Homo**mouſion* confirmari.

C A P. II X.

Liberius Papa traditur in exilium.

Igitur *Liberius Papa* traditur in exilium, & *Felix Diaconus* ejus, in locum ejus subrogatur ab hæreticis. Hierosolymis *Cyrillus Maximo* in Episcopatu succedit, aliquando in fide varians, aliquando in communione.

C A P. I X.

De Iuliano Apostata.

Per idem tempus *Constantius Imperator* vivendi finem facit; *Iulianus* vero succedit in regnum, bono usus principio & malo fine. Nam primo Clericus & Philosophus insignis, postmodum ad Idola convertitur. Et primo quidem pacificus relaxat Episcopos de exiliis, & benigne agit adversus nostros: Deinde persequitur & infert supplicia. Hic in odium Christi Iudæis permittit reparare templum Hierosolymis. Qui ex omnibus provinciis collecti, nova templi fundamenta jaciunt, quæ subito terræ motu corruunt divinitus, saxis ingentibus longe lateque dispersis. Et ne hoc casu crederetur factum, sequenti nocte in vestimenten-